

Cartas nordic



Un serie de photos de locationes in le paises nordic

– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2022

■ **Himmelbjerget, Danmark:** “On pote solmente vider le nebula!” sona le crito del infantes, quando illes finalmente ha ascendite le 147 metros ab le superficie del mar e arrivate al summitate del Monte de Celo (humor in danese: Himmelbjerget) iste die autumnal. Le nebula copri toto. “On pote vider Francia – e ecce le frontiera german,” sona un voce jocose. Nam on vide absolutemente *nihil* hodie de un del punctos le plus alte in Danmark. Himmelbjerget es situate proxime a Silkeborg in Jutlandia in le west del pais, e normalmente le panorama es (dicte a esser) phantastic con forestes e le multe lacos. Hodie on vide solmente le turre de extra 25 metros, erigite 1874-1875 pro commemorare rege Frederico VII, le patre del constitution.

Texto e photo: Thomas Breinstrup

Questiones

1. Proque appella le daneses iste summitate le Monte de Celo?

2. Pote on vider le celo hodie – e proque non?

3. Un persona dice un joco. Explica le joco

4. Describe le turre que tu vide sur le photo

5. Que pote on normalmente vider, quando il non ha un nebula?
